

Broj: 05-40-9-428/22  
Sarajevo, 29.09.2022. godine

**KANTONALNE UPRAVE CIVILNE ZAŠTITE - SVIMA  
GRADSKO / OPĆINSKE SLUŽBE CIVILNE ZAŠTITE** (putem kantonalnih  
operativnih centara)

**PREDMET:** Preporuke za preduzimanje preventivnih mjera zaštite i spašavanja  
od prirodnih i drugih nesreća za period jesen 2022.– zima 2023. godine, *dostavlja*, -

Poučeni ranijim iskustvima, godišnja doba jesen i zima nas upozoravaju da su kišne i sniježne padavine uglavnom praćene pojavom oluje, mraza, leda i sličnim meteorološkim pojavama što za posljedicu može imati ugrožavanje života i zdravlja ljudi i materijalnih i drugih dobara. Naime, statistički pokazatelji i analize iz proteklih godina o štetama nastalim usljed djelovanja prirodnih i drugih nesreća (primjeri: požari, poplave, mraz, grad, poledica, sniježni nanosi, klizišta i sl.), naročito katastrofalne poplave iz 2014. godine obavezuju sve nas, nosioce zaštite i spašavanja, da u narednom periodu hitno trebamo organizovati i provoditi sve preventivne mjere zaštite i spašavanja kao osnovni vid u sprečavanju nastajanja prirodne ili druge nesreće ili ublažavanje njenog djelovanja kako je i propisano Zakonom o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", br. 39/03, 22/06 i 43/10 – u daljnjem tekstu: Zakon o zaštiti i spašavanju).

Iz naprijed navedenih razloga Federalna uprava civilne zaštite blagovremeno upućuje preporuke za preduzimanje preventivnih mjera zaštite i spašavanja, kako bi svi odgovorni subjekti i strukture zaštite i spašavanja na vrijeme pokrenuli aktivnosti u kantonima, gradovima i općinama radi:

1. samostalnog provođenja preventivnih mjera zaštite i spašavanja koje su propisane kao obavezne i neodložne kao i
2. inspeksijske kontrole provedbe tih mjera

Kantonalne uprave civilne zaštite u skladu sa odredbama Zakona o zaštiti i spašavanju i Zakona o zaštiti od požara i vatrogastvu ("Službene novine Federacije BiH", broj: 64/09), kao i odredbama kantonalnih zakona iz ove oblasti trebaju intenzivirati planirane inspeksijske nadzore kod svih nosilaca planiranja i zaštite i spašavanja na području kantona, općina i gradova u oblastima:

- a) civilna zaštita
- b) zaštita od požara i vatrogastvo

s težištem na mjerama, radnjama i postupcima predviđenim za kišne i zimske uslove.

Shodno naprijed navedenom potrebno je izvršiti slijedeće preventivne radnje i postupke:

- Izvršiti detaljne preglede i procjene upotrebljivosti materijalno – tehničkih sredstava i opreme (čamci, spremnici/cisterne za vodu, pumpe za vodu i dr.) za spašavanje na vodi i pod vodom i preduzeti potrebne mjere za otklanjanje uočenih nedostataka;
- Preduzeti odgovarajuće aktivnosti – akcije čišćenja riječnih korita, odvodnih kanala, uređivanje obala, izgradnja nasipa, preusmjeravanje vodotoka, saniranje klizišta, komunalne infrastrukture i druge potrebne mjere;
- Provjeriti jesu li nadležni organi vlasti općina, gradova i kantona potpisali ugovore sa pravnim licima koja su dužna u zimskom periodu održavati i raščišćavati gradske i prigradske putne pravce;
- Provjeriti stanje raspoloživih ljudskih resursa i materijalno-tehničkih sredstava i opreme za potrebe zaštite i spašavanja ljudi i materijalnih dobara;
- Unaprijediti saradnju nadležnih organa civilne zaštite s privrednim društvima i pravnim licima koja upravljaju vodnim objektima kao i drugim nosiocima zaštite i spašavanja (komunalna i građevinska preduzeća, veslački, kajakaški, ronilački klubovi, dobrovoljna vatrogasna društva, policija i dr.), radi redovnog i vanrednog praćenja vodostaja na rijekama i jezerima, te pravovremenog informisanja građana o eventualnom nailasku plavnog vala;
- Provjeriti spremnost i raspoložive kapacitete zdravstvenih ustanova za pružanje medicinske pomoći (primarne, sekundarne);
- Provjeriti spremnost i raspoložive kapacitete za pružanje pomoći ugroženima u hrani, lijekovima i drugim potrebnim namirnicama i sredstvima;
- S obzirom na aktuelno korištenje peći za grijanje u domaćinstvima i drugim objektima sa otvorenim plamenom potrebno je preduzeti i dodatne mjere zaštite od požara s težištem na radu dimnjačarske službe.

Izveštaje o svim preduzetim mjerama i aktivnostima na realizaciji ovih preporuka dužni ste dostavljati redovno Federalnoj upravi civilne zaštite, odnosno Federalnom štabu civilne zaštite, putem Federalnog operativnog centra.

S poštovanjem.

**Dostaviti::**

- naslovu,
- a/a.

**P.O. VLADE FEDERACIJE BIH**

Pomoćnik direktora  
Murat Baručija

